

'Fluba nen Pɔl -a cren -te

Efez

'non le

1 ¹An 'bɔ Pɔl bɛ, Bali 'bɔ 'ci 'sɔ 'a nen an dre Zozi Crizi -le 'pasiazan -a. Mɛɛn 'fluba 'gʊɛ -a cren -te. Maan cren -te Bali -le minnun nen Efez fla bɛ -wɛ. Zozi Crizi 'lee 'ka 'bɔ bɛ, ka dre min -tuwli "a, ɛn 'ka 'pɛ -sru 'ka 'e tɔɔdɪ -yee 'wɪ 'ji dɪ.

²-Kaa "tɪ Bali 'lee Minsan Zozi Crizi 'o 'wee "yi 'lee 'wee -fʊdɪ -trɔɔ -non 'cɛɛ.

Pɔl Bali 'tɔ 'bɔ "yi "nen yaa dre -cɛɛ bɛ -a man

³-Kaa Bali 'tɔ 'bɔ! -Yɛɛ cɪ -kaa san Zozi Crizi "tɪ "a, ɛn -yɛɛ fɛa 'vɪ -kaa man. E ciɪla Zozi Crizi -va ɛn "yi 'tɔ 'tʊdʊ pɛɛnɔn nen -yee lei 'saun 'lɔ bɛ 'e dre -cee vɛ -a laji lou.

⁴Te Bali 'ka tian 'trɛ drele dɪɛ, ɛn e -kaa 'si "va, ka dre Zozi 'le vɛ -a -le "wean. Bali -kaa 'si "va 'nan -e -kaa dre 'yee vɛ -a, -e 'tɔ 'tʊ 'e vɪɛ 'e 'kɔn 'e 'padɪ -kaa man -a 'lɛ dɪ.

Bali -kaa ye "yi 'le "wean, ⁵yaa 'vɪ 'e 'cɛn 'nan 'e -kaa dra 'yee 'nennun -a. E ciɪla Zozi Crizi -va 'nan -e 'e -kaa dre 'yee 'nennun -a. Yaa dre 'le zɪ e cɪ -a 'bɔ 'ci 'sɔ 'a bɛ -yee 'wɪ 'zʊ. ⁶Yaa dre 'nan -e -kaa 'e 'tɔ -dan vɪ 'yee "yi 'man. "Yi zɪɛ yaa dre -cɛɛ -a -pɪ nen e 'sɔ -yɛɛ tɪglɪ bɛ -yee "wean.

⁷Zozi Crizi nyen nen e -sran bɛ, -yɛɛ -maan ɛn Bali -kaa 'si 'wɪ 'ji, ɛn e -cee 'wɪ 'wɪɪdɪnʊn fui. Bali -le "yi "bɛ, -a -kɔɔn "manvɛ "ka "dɪ, -yee "wean nen yaa dre zɪ. ⁸Wɪ 'kpa, Bali 'yee "yi "non -cɛɛ 'e 'ciɪɪdɪ "da. E 'wɪ 'tɔdɪ -non -cɛɛ 'nan, -e -kaa 'yee 'wɪ 'ci man. ⁹ɛn "nyian bɛ, -a 'ci 'sɔ wɪ nen 'e yɔɔdɪ blamin man bɛ, yaa ta 'bɔɪa -cɛɛ. -A -cin a Bali ji 'e 'cɛn 'nan, 'e -ciala Crizi -va -e 'yee 'ci 'sɔ wɪ zɪɛ -a dre. ¹⁰Tʊ 'le 'srandɪ -a nen e "cɛan 'wɪ zɪɛ -a dɛdɪ man. ɛn 'wɪ 'bɔ zɪɛ -nyren 'nan, fɛ pɛɛnɔn nen laji bɛ, 'lee fɛ pɛɛnɔn nen 'trɛda bɛ, Bali 'e o tre 'e cin man, -e o tazan 'e dre -tuwli. -A 'bɔ nen Crizi -a.

¹¹ 'Wɪ 'kpa, Zozi Crizi 'bɛ -maan, ɛn 'wɪ nɛn Bali -a 'vɪ 'e 'cɛn 'nan e dra 'kʊ Zuif 'nɔn lɛ bɛ, yaa drɛ 'kʊvɛ vɛ -a. 'Wɪ zɪɛ Bali -a drɛ 'lɛ zɪ e cɪ -a 'bɔ 'ci 'sɔ 'a bɛ -yɛɛ 'wɪ 'zʊ. ¹² Yaa drɛ zɪɛ 'nan, -e kʊvɛ nɛn 'kʊ 'bli cɪ 'e tɛdɛ Crizi da bɛ, 'kʊvɛ "wɛan Bali 'tɔ 'e drɛ -dan. ¹³ Bali ciɪla Zozi Crizi -va, ɛn e 'wɪ zɪɛ -a drɛ kaa nɛn ka 'ka Zuif 'nɔn 'a dɪɛ, 'cɛɛ vɛ -a 'nyian. Kɔɔ ka Bali -le 'wɪ tɪɪɪtɪ 'man, ɛn ka yi -tera 'da. 'Wɪ 'nɔnɔn zɪɛ -nyrɛn 'nan Zozi 'ka 'nan -e Bali 'e 'ka 'si 'wɪ 'ji. Ka yi -tera Zozi da -yɛɛ "wɛan nɛn, Bali lei 'saun nɛn Bali -a 'vɪ 'e 'cɛn 'nan 'e -nɔan "mɪnnun lɛ bɛ, e drɛ 'cɛɛ vɛ -a. 'Ka -kɔnnɛn pladɪ nɛn 'nan, ka drɛ Bali -le vɛ -a. ¹⁴ 'Wɪ 'kpa, -te Bali 'yɛɛ lei 'saun 'nɔn -cɛɛ bɛ, -yɛɛ cɪ "lɛ fɛnun nɛn Bali -taa -a -nɔnle -cɛɛ bɛ, -a va fɛ tɛdɛ -le 'wɪ 'zʊ. ɛn -yɛɛ -ci -kɔnnɛn -cɛɛ 'nan, tʊ -fɔla 'da "ji bɛ, Bali -kaa 'sia 'wɪ 'ji "fo tɛ fɛnun pɛɛnɔn zɪɛ o drɛ -cɛɛ vɛ -a. -Kaa Bali 'tɔ drɛ -dan 'wɪ nɛn yaa drɛ zɪɛ -a man!

Pɔl Bali tru 'ba

¹⁵⁻¹⁶ 'Wɪ zɪɛ -yɛɛ "wɛan bɛ, 'an 'bɔ "nyian, ma'an 'flian Bali muo "fɔdɪ -a 'cɛɛ "wɛan dɪ, ɛn an Bali tru "baa tʊ pɛɛnɔn man 'cɛɛ 'wɪ man. Kɔɔ an 'cɛɛ yi -tɛradɪ Mɪnsan Zozi da 'wɪ 'man, ɛn maan 'man "nyian 'nan, ka Zozinɔn pɛɛnɔn yɛ "yi. ¹⁷ Bali nɛn -yɛɛ cɪ -kaa san Zozi Crizi -le Bali -a, ɛn -yɛɛ cɪ -kaa "tɪ "nɛn -a -kɔn "manvɛ "ka "dɪɛ -a bɛ, maan tru 'ba 'nan 'e 'wɪ 'tɔdɪ nɛn e "sia 'yɛɛ lei 'saun 'va bɛ, -a -nɔn 'cɛɛ, ɛn 'e 'fli -kɔn 'cɛɛ, -e 'ka -tɔ 'kpa kɔlɛɔlɛ. ¹⁸ ɛn maan tru 'ba "nyian 'nan, 'e 'ka yɪɛ 'lɛ 'sʊ, -e 'ka 'wɪ nɛn 'ka 'bli a -yrɛ ɛn -yɛɛ "wɛan Bali 'ka laabʊ bɛ, -a -tɔ. ɛn "nyian fɛnun "kaga "nɛn Bali -a 'vɪ 'nan, 'e -nɔan 'yɛɛ mɪnnun lɛ tɛ -a -kɔn "manvɛ "ka "dɪɛ, -e 'ka -tɔ. ¹⁹ ɛn "nyian Bali -le 'plɛblɛ nɛn e ya fɛ pɛɛnɔn 'ta lou "bɛ, -e 'ka -yɛɛ -dan cɪ yɪ. -Yɛɛ 'plɛblɛ zɪɛ, -a 'bɔ 'a nɛn e 'nyranman "paa -kaa nɛn -kaa yi -tera Zozi da bɛ -kaa man. ²⁰ -Yɛɛ 'plɛblɛ -tʊwli zɪɛ, -a 'bɔ 'a nɛn e Crizi wluan -kanɔn 'va, ɛn yaa -nyran 'e 'pɛ "yi "da laji lou. ²¹ Yaa drɛ zɪɛ 'nan -e Crizi 'e 'kɔn lei -wliɪdɪnɔn pɛɛnɔn 'lɛɛ fɛ pɛɛnɔn nɛn 'plɛblɛ a -yrɔ "bɛ, 'lɛɛ fɛ pɛɛnɔn nɛn e mɪn "paala bɛ o da. 'Tɛɛda fɛ pɛɛnɔn bɛ, -yɛɛ cɪ o da. Tʊ nɛn -kaa cɪ -ji 'gʊvɛ, -a -ji 'saza "cɛɛ e cɪ o da dɪ, 'pian tʊ nɛn e -taa 'li bɛ -a -ji oo, tɛ -yɛɛ cɪ o da. ²² 'Wɪ 'kpa, Bali fɛ pɛɛnɔn 'pla Crizi cɛin wlu. Crizi 'bɔ nɛn fɛ pɛɛnɔn 'tazan -a bɛ, Bali -a -tɔ -leglizi -wulo -a. ²³ -Leglizi 'nɔn 'bɔ 'bɛ cɪ Crizi po -a. ɛn Crizi nɛn e fɛ pɛɛnɔn 'nan 'si bɛ, e -leglizi -ji 'fa 'yɛɛ "yi "a.

Crizi -le "wɛan 'belidɪ a -kaa 'lɔ

2 ¹ 'E tɛdɛ bɛ, ka'a 'ta 'wɔla Bali wei da dɪ, ɛn ka 'wɪ 'wliɪdɪ "dra, -yɛɛ "wɛan Bali "lɛ 'va bɛ, tɛ ka ya 'ka 'kadɪ. ² Ka 'wɪ 'wliɪdɪnɔn drɛ 'e tɛdɛ "lɛ 'tɛɛda mɪnnun pɛɛnɔn 'zʊ. Ka 'ta 'wɔla Satan nɛn e -yʊ -wliɪdɪnɔn "paala bɛ, -a wei da. Satan zɪɛ, -a lei 'bɛ 'nyranman "paa mɪnnun nɛn wa'a 'ta 'wɔla Bali wei da dɪɛ waa. ³ ɛn -kaa 'bɔ "nyian, -kaa ya 'e tɛdɛ "lɛ mɪnnun

zɪe -wee 'wɪ 'zʊ. -Kaa 'fli -nɔn -kaa 'bɔ 'ci 'sɔ wɪnʊn -wɪdɪ 'lɛ. 'Wɪ nɛn e ɔ -kaa 'bɔ 'ci 'sɔ 'a bɛ, 'lee 'wɪ nɛn e -tɔala -kaa 'bɔ 'wulo -ji bɛ, -a -sru 'nɛn -kaa 'ta 'wula. Tʊ zɪe -a man bɛ, te -kaa ya Bali -le nyran -blɪdɪ wlu 'le minnʊn pɛɛnɔn 'le 'wɪ 'zʊ.

⁴Pian Bali a 'e fadɪ min nyrinda -a, ɛn e -kaa ye 'yi "bʊ. ⁵-Yee "wean -kaa 'bɔ nɛn -cee 'wɪ 'wɪdɪ 'le "wean -kaa ya -kaa kadɪ -a 'lɛ bɛ, e 'belɪdɪ -nɔn -cɛɛ -kaa 'vale Crizi -a. -A -cin 'e 'kɔn -kaa 'ji 'nan, Bali -le 'yi 'saza 'bɛ -kaa 'si 'wɪ 'ji. ⁶ɛn "nyian -kaa 'vale Crizi -a, Bali -kaa wluan -kanɔn 'va, ɛn e -kaa nyran 'e 'va laji lou. ⁷E 'yee 'kpa kɔɔn -cɛɛ Zozi Crizi -ji 'nan, -e 'e 'yee 'yi "nɛn -a -kɔɔn "manvɛ "ka "dɪɛ, -a -ci -kɔɔn tʊ 'le 'srannan.

⁸'Wɪ 'kpa, Bali -le 'yi 'saza 'bɛ -maan 'ka 'si 'wɪ 'ji. ɛn 'ka 'sɪdɪ 'wɪ 'ji zɪe 'cee yi -tɛradɪ Bali da man nɛn e drɛ 'cee vɛ -a. Ya'a 'sɪlɛ 'ka 'bɔ 'va dɪ, 'pian Bali 'bɛ 'yi drɛ 'cɛɛ 'e 'tun. ⁹Bali 'ka 'ka 'sɪlɛ 'wɪ 'ji 'wɪ 'tʊ nɛn kaa drɛ bɛ -a man dɪ. Yaa drɛ zɪe 'nan, -e min -tʊ 'e vɪlɛ 'e 'fli -kɔɔn -a 'wɪ 'a dɪ. ¹⁰Bali 'bɔ 'bɛ -kaa drɛ. ɛn e -kaa drɛ min -trɛ -a Zozi Crizi -ji 'nan, -e drɛ wɪ 'yinʊn nɛn Bali -a man drɛ 'e 'cɛn bɛ, -kaa 'ta 'wula 'da.

Crizi -le "wean bɛ -kaa sɛn 'e cin va

¹¹Kaa nɛn ka 'ka Zuif 'nɔn 'a dɪɛ, Zuif 'nɔn -a ve 'ka man 'nan, ka 'ka 'ka 'fɔdɪ -klɔnmɔn -va dɪ. ɛn waa ve 'o 'fli man 'nan, o ya 'o 'fɔdɪ -klɔnmɔn -va. E ya 'wɪ "tun "a, kɔɔ plɔ nɛn min -a 'pla o man 'e 'pɛ -a. Zɪ ka ɔ 'e tɛdɛ bɛ, -a da nɛn 'ka 'ci "nrɔn! ¹²-A -cin 'e 'kɔn 'ka 'ji 'nan, tʊ zɪe -a man bɛ, te 'ka 'sɪzan 'wɪ 'ji "ka "dɪ. ɛn "nyian te Bali -le minnʊn bɛ, ka 'ka o vanɔn 'a "fo "dɪ. ɛn "nyian te 'wɪ nɛn Bali 'e 'nan, 'e dra 'yee minnʊn lɛ bɛ, e 'ka 'cee vɛ -a "fo "dɪ. ɛn "nyian te ka ya 'trɛda 'e "tun, ka'a Bali tɔa dɪ, ɛn 'ka 'bli 'ka fɛ -tʊ lɛ dɪ. ¹³Tʊ zɪe -a man bɛ, te ka ya 'ka 'sɪdɪ Bali man -kɔɔbli. 'Pian 'bɛ nɛn 'gʊɛ, 'ka 'vale Zozi Crizi -a ka drɛ min -tʊwɪ "a, ɛn Crizi nyen nɛn e -sran bɛ, -yɛɛ 'ka pli Bali man.

¹⁴Crizi 'bɔ 'bɛ -fɔdɪ -trɔɔ -nɔn -cɛɛ. Zuif 'nɔn 'lee minnʊn nɛn o 'ka Zuif 'nɔn 'a dɪɛ, e o drɛ 'leglɔn 'tʊwɪ "a. Nɔn nɛn "nɛn 'e pladɪ 'leglɔn "fli zɪe o yei te e o 'cɛan 'e cin man, ɛn te e 'wɪ -fɔala o yei "bɛ, yaa fui 'yee -kadɪ -a yiba "plan da. ¹⁵Kɔɔ Moizi -le -pei -tɔ wɪnʊn 'lee 'e 'ta 'srɔɛnnʊn bɛ, -a 'bɔ nɛn yaa klu -sran. E 'leglɔn "fli zɪe o 'si, ɛn e o -sɛn 'e cin va 'e 'va 'nan, -e 'o 'kɔn min -trɛ -a. ¹⁶ɛn "nyian -yee -kadɪ yiba "plan da 'bɔ 'a nɛn, e 'wɪ nɛn "nɛn 'leglɔn "fli zɪe o yei "bɛ, -a klu -sran. E o -tɛ 'e cin da 'kɔlɛ 'tʊwɪ "ji, ɛn e o yei "sɛn 'e cin va 'o 'vale Bali -a.

¹⁷ɛn "nyian bɛ, Crizi 'bɛ 'ta 'sɪnan 'nɔnɔn zɪe -a 'palɛ minnʊn pɛɛnɔn lɛ. E 'nan, Bali 'lee o 'bɔ bɛ, 'wɪ 'ka "nyian o yei "dɪ. 'Sɪnan zɪe, kaa nɛn ka 'ka Zuif 'nɔn 'a dɪɛ, e ya 'cee vɛ -a. ɛn "nyian 'kʊ 'bɔ nɛn kʊ ɔ Zuif 'nɔn 'a bɛ, e ya 'kʊvɛ vɛ -a. ¹⁸-Yee "wean -kaa 'bɔ pɛɛnɔn bɛ, -te min a Zuif min -a oo, -te min 'ka Zuif min -a dɪ oo, Crizi le "wean bɛ -si a 'e 'le 'sʊdɪ, -e -kaa -pli -kaa "tɪ Bali man -yee lei 'saun 'le 'plɛblɛ 'a.

¹⁹Wɪ nɛn Crizi -a drɛ bɛ, -yɛɛ "wɛan kaa nɛn ka 'ka Zuif 'nɔn 'a dɛ, ka 'ka 'nyian -pɛnnɔn 'a dɛ, ɛn ka 'ka "lɛ minnun nɛn o -blunɔn "ka "dɛ -wɛɛ 'wɪ 'zɜ dɪ. 'Pian Bali -lɛ minnun bɛ, ka drɛ o vanɔn 'a, ɛn ka drɛ -yɛɛ "kɔnnɛn 'nɔn 'a. ²⁰Ka 'bɔ nɛn Bali 'ka 'si, ɛn e cɪ 'yɛɛ 'kɔn 'tɔnɔn. 'Kɔn zɪɛ Zozi 'lɛ 'pasianɔn 'lɛɛ Bali 'lɛwɛi vɪnɔn 'bɛ cɪ cɛin -a, ɛn Zozi Crizi 'bɔ 'bɛ cɪ 'kɔn zɪɛ -a -pɜ -fɔ -kɔlɛ 'plɛblɛ 'a. ²¹-Yɛɛ -maan -e 'kɔn zɪɛ e wluɔn lou, tɛ e ya 'e 'fɔdɪ 'lɛ cin man fɛnyian, 'nan -e 'lɛ drɛ Minsan -lɛ 'kɔn 'saun 'a. ²²ɛn Zozi Crizi 'bɛ -maan 'nyian, ɛn ka drɛ 'kɔn zɪɛ -a -tɔvɛ -a, 'nan -e -kaa pɛɛnɔn -kaa drɛ Bali -lɛ 'kɔn nɛn -a lɛi 'saun -nyɛanla 'ji bɛ -a.

'Nyranman nɛn Bali -a -pɛba 'wɜ Pɔl -lɔ bɛ -nyrɛn 'gɜ

3 ¹Wɪ pɛɛnɔn zɪɛ -yɛɛ "wɛan bɛ, 'an 'bɔ Pɔl, an Bali muo -fa. 'Ka 'tɔ 'ji nɛn an ya -pɜ 'kuin, kɔɔ an Zozi Crizi -lɛ 'wɪ 'nɔnɔn 'vɪ minnun nɛn o 'ka Zuif 'nɔn 'a dɛ -wɛ.

²"Yi 'nɛn Bali 'bɔ -a -pɛba 'wɜ 'an 'lɔ 'nan -e 'an "cɛɛ -ci -kɔɔn "bɛ, maan -tɔɔ 'nan, kaa -nan wɪ 'man. ³Wɪ yɔɔdɪ zɪɛ, Bali 'bɔ 'bɛ -nan kɔɔn 'mɛn. -A 'bɔ nɛn an "sia -a crɛn -tenan 'cɛɛ bɛ.

⁴-Tɛ kaa ta 'vɪ bɛ, kaa -kɔnnɛn 'yɛ 'nan, 'wɪ nɛn Crizi -a drɛ minnun -lɛ vɛ -a, tɛ -a -ci a 'lɛ yɔɔdɪ o man bɛ, e 'ka 'lɛ yɔɔdɪ "mɛn "man dɪ. ⁵'Li 'lɛ tɛdɛ bɛ, Bali 'ka 'wɪ zɪɛ -a -nan -kɔɔnɛ minnun lɛ dɪ. 'Pian 'bɛ nɛn 'gɜɛ, Bali lɛi 'saun -a -nan kɔɔn Zozi 'lɛ 'pasianɔn nɛn Bali o 'si 'va "bɛ -wɛ. ɛn yaa -nan kɔɔn 'nyian Bali 'lɛwɛi vɪnɔn lɛ. ⁶Wɪ yɔɔdɪ zɪɛ -nyrɛn 'nan: Zozi Crizi -lɛ "wɛan bɛ, fɛ nɛn Bali 'lɛ 'nan 'lɛ -nɔɔn 'yɛɛ minnun lɛ bɛ, ɛn 'wɪ nɛn e 'nan 'lɛ dra -wɛ "bɛ, minnun nɛn o 'ka Zuif 'nɔn 'a dɛ, o 'tɔ a 'va. ɛn minnun zɪɛ, o 'vale Zuif 'nɔn 'a bɛ, o drɛ 'kɔlɛ -tɔwli "lɛ vɛ -a. 'Wɪ 'bɔ zɪɛ -yɛɛ cɪ Zozi 'lɛ 'wɪ 'nɔnɔn nɛn waa 'man bɛ -a. ⁷ɛn -a 'bɔ nɛn Bali -a -pɛba 'wɜ 'an 'lɔ 'nan 'an vɪ minnun lɛ. Bali 'bɔ 'lɛ 'plɛblɛ 'a nɛn e 'yɛɛ 'yi zɪɛ -a -nɔn 'mɛn.

⁸'An 'bɔ nɛn an 'ka fɛ -tɜ -a Bali -lɛ minnun yɛi "dɛ, 'an lɛ nɛn Bali 'yi zɪɛ -a drɛ 'nan -e 'an Zozi 'lɛ 'wɪ 'nɔnɔn vɪ minnun nɛn o 'ka Zuif 'nɔn 'a dɛ -wɛ. 'Wɪ 'yi "nɛn -a -kɔɔn "manvɛ "ka "dɪ ɛn Crizi -a drɛ minnun lɛ bɛ -a 'bɔ nɛn. ⁹Bali 'yi zɪɛ -a drɛ 'mɛn 'nyian 'nan -e 'an 'wɪ yɔɔdɪ 'bɔ 'ci 'si minnun pɛɛnɔn lɛ 'wɛin. Bali nɛn e fɛ pɛɛnɔn drɛ bɛ, e 'wɪ zɪɛ -a yɔɔ minnun man -a pou sianan 'li 'lɛ 'cɛn, ɛn e 'bɔ cɛɛgɜ yi -a. ¹⁰Bali -a drɛ zɪɛ 'nan, -e tɜ nɛn -kaa cɪ -ji 'gɜɛ, e 'wɪ yɔɔdɪ zɪɛ -a ta bɔla. Bali -lɛ 'wɪ 'tɔdɪ nɛn -a -kɔɔn "manvɛ "ka "dɛ, -lɛglizi 'a nɛn yaa -ci -kɔɔnman laji fɛ pɛɛnɔn nɛn 'plɛblɛ a -wɔ "bɛ, 'lɛɛ laji fɛ pɛɛnɔn nɛn e min "paala bɛ, -wɛ. ¹¹Bali -a drɛ "lɛ zɪ -a -cin cɪ -a 'bɔ 'ji 'lɛ 'cɛn bɛ -yɛɛ 'wɪ 'zɜ. Bali ciɩla -kaa san Zozi Crizi, -va ɛn e 'wɪ zɪɛ -a drɛ.

¹²Wɪ nɛn Crizi -a drɛ bɛ, -yɛɛ "wɛan -si a 'lɛ 'lɛ 'sɜdɪ -cɛɛ -e -kaa -pli Bali man, tɛ "klan 'ka -kaa 'ji dɪ. -Cɛɛ yi -tɛradɪ Zozi da 'bɛ dra. ¹³Wɪ zɪɛ -yɛɛ "wɛan maan 'vɪ 'cɛɛ 'nan, tɛ 'ka "kɔɛ 'lɛ 'si 'ka da 'mɛn yɪɪdɪ -lɛ "wɛan dɪ! An ya 'an yɪɪɔn 'nan -e 'ka 'nɛn "blɪ -e 'tɔ -dan 'lɛ drɛ 'cɛɛ vɛ -a.

Pɔl Bali tru 'ba

14 'Wɪ pɛɛnɔn zɪe -yee "wean 'an "po -sɔɔnman -kaa "tɪ Bali wlu. 15 -Yee cɪ 'leglɔn 'tɔdɔ pɛɛnɔn nen 'trɛda 'lee laji lou "bɛ -a san -a. 16 Fenun nen Bali lɔ bɛ, -a -kɔɔn "manvɛ "ka "dɪ. -Yee "wean an Bali tru "baa 'nan, -yee lei 'saun 'e 'nyranman 'pa 'ka man, -e 'ka "koe 'lee 'cee 'plɛblɛ 'e 'pa 'da Crizi -sru 'ta wɔdɪ -ji. 17 Maan tru "baa "nyian 'nan, 'cee yi -teradɪ Crizi 'bɔ da -a nen 'ka 'kɔn tɔ pɛɛnɔn man Crizi -lɔ. En maan tru "baa "nyian 'nan, yɪdɪ "yi 'saza nen 'e 'kɔn 'cee 'wɪ pɛɛnɔn dɛɛdɪ pou sianan. 18 An 'wɪ pɛɛnɔn zɪe -a laabo Bali lɔ 'nan, -e 'ka 'vale Bali -le minnun pɛɛnɔn 'a bɛ, yɪdɪ "yi 'nen Crizi 'ka ye "yɪ 'a bɛ, 'ka 'kɔla -yee -dan ci mandɪ -a. 19 -Yee yɪdɪ "yi 'nen e "mlian blamin -le 'wɪ 'tɔdɪ da bɛ, maan laabo Bali lɔ 'nan, 'ka -kɔnɛn "yɪ 'ka 'bɔ 'a. En Bali 'e dɛɛ -e 'ka 'kɔn 'ka fadɪ Bali 'bɔ 'le -dan a.

20 Bali nen -yee 'plɛblɛ 'bɛ 'nyranman "paa -kaa man bɛ, -kɔladɪ a -yɾɔ, -e 'e 'wɪ dɛɛ 'e 'ciɪladɪ "da. Fɛ -tɔ "ka -e -kaa laabu -yɾɔ, en 'wɪ 'tɔ "ka -e -kaa ci "nrɔn "da, te -a -pɛ 'ka 'sɔa -a dɛɛdɪ -a dɪ. 21 -Kaa Bali 'tɔ dɛɛ -dan! 'Wɪ nen Zozi Crizi -a dɛɛ bɛ -a man, Bali 'tɔ 'e 'kɔn -dan -leglizɪ -ji! 'E 'kɔn zɪe 'li 'trilii! Amen!

-Leglizɪ 'nɔn a "le min -tɔwli "le 'wɪ 'zɔ

4 1 'An 'bɔ nen, an ya -pɔ 'kuin Minsan -le nyranman 'padɪ man 'gɔɛ, 'wɪ pɛɛnɔn nen Bali -a dɛɛ -cee vɛ -a bɛ, -yee "wean an toba -fɔa 'cɛɛ 'nan, 'cee 'ta wɔ -pɛ 'e 'kɔn "le min nen Bali -a laabu bɛ -yee vɛ zɔ. 2 'Te 'ka 'fli 'sia -dandan 'ka cin man dɪ! 'Ka 'kɔn min -trɔɔ -a! En 'ka 'man -sran 'wɪ 'ji 'ka cin va! En 'ka 'kɔla 'ka cin va yɪdɪ "yi 'a! 3 Bali lei 'saun 'ka dɛɛ "le min -tɔwli "le 'wɪ 'zɔ. 'Ka man -wɛɛ -e 'ka 'fɔ 'da zɪ, te -fɔdɪ -trɔɔ a 'ka yei.

4 Bali -kaa laabu 'nan, -e -kaa dɛɛ -yee minnun -a. -Yee "wean -kaa dɛɛ 'kɔle -tɔwli "a, en Bali lei nen -kaa 'lɔ bɛ, e ya -tɔwli, en 'wɪ nen -kaa 'bli a -yɾɛ "bɛ, e ya -tɔwli. 5 -Kaa san a -tɔwli. -Cee yi -teradɪ Crizi da bɛ, e ya -tɔwli. En o -kaa -batize dɛɛ 'wɪ 'tɔwli "man. 6 Bali a -tɔwli. -Yee cɪ -kaa pɛɛnɔn "tɪ "a. E -kaa pɛɛnɔn "paala. E -ciala -kaa pɛɛnɔn 'va en 'e 'nyranman "paa. E -nyeanla -kaa pɛɛnɔn 'ji.

7 -Kaa -tɔdɔ pɛɛnɔn bɛ, -kaa "yi -dan 'yɪ -cee vɛ -a, "le zɪ Crizi -a -nɔn bɛ -yee 'wɪ 'zɔ. 8 Kɔɔ e ya 'e 'cɛɛn -tɛdɪ Bali -le 'fluba 'ji 'nan:

«"Yee -kɔ lou "bɛ,
e fɛ pɛɛnɔn kɪ, e o kuun.
En e "yinun -nɔn minnun lɛ.»

9 -Te waa 'vɪ 'nan, e -kɔ lou "bɛ, -a -ci nen 'nɔn? -A -ci nen 'nan, 'e tɛdɛ bɛ, e sɔɔnla fenan "tradra "nan. 10 Min 'bɔ nen e -sɔɔnla fenan "tradra "nan bɛ, -a min 'lein zɪe -yɛɛ kɔ "nyian labli 'ta lou "nun, 'dɔ -e 'e fɛ pɛɛnɔn 'nan 'si. 11 Min 'bɔ 'lein zɪe -yɛɛ "yinun dɛɛ 'yee minnun lɛ. Yaa -mie dɛɛ Zozi 'le 'pasianɔn 'a, en yaa -mie dɛɛ Bali 'lewei vɪnɔn 'a, en yaa -mie dɛɛ Zozi 'le

'wɪ 'nɔnnɔn vɪnɔn 'a, ɛn yaa -mie drɛ minnun nɛn o yiɛ -tɔa -leglizi -va, te o Bali -le 'wɪ 'paaman o ji bɛ waa. ¹²Yaa drɛ zɪɛ 'nan, -e 'o Bali -le minnun man wɔv -e 'o 'yee 'nyranman 'pa, -e -yee -leglizi nɛn -a 'bɔ po -a bɛ, 'e 'tɔ 'pleble. ¹³'Wɪ zɪɛ -a drɛdɪ -a nɛn, -kaa pɛɛnɔn dra 'le min -tɔwli 'le 'wɪ 'zɔ -cee yi -tɛradɪ Crizi da -ji. ɛn 'nyian bɛ, -kaa dra 'le min -tɔwli 'le 'wɪ 'zɔ -cee Bali -pɪ 'bɔ -tɔdɪ -ji. -Te e drɛ zɪɛ bɛ, -a -nan nɛn -kaa -kɔan 'le min nɛn e -klɔnmɔn -fɔ bɛ -yee 'wɪ 'zɔ, ɛn zɪ Crizi cɪ bɛ, min -taa -a yɪlɛ -kaa 'lɔ.

¹⁴Yaa drɛ zɪɛ 'nan, -e -kaa vɪlɛ -kaa kɔn 'nyian 'le nannannun -le 'wɪ 'zɔ dɪ. Kɔɔ nannannun lɛ nɛn minnun sɛɛ 'paa wɪnɔn vɛ -pɛ 'yi 'lee -pɛ bu -a, -e 'o -sɔɔnla o -sru. Min sɛɛ 'paanɔn zɪɛ o ya -wɪdɪ, ɛn -dawli 'tɔ 'tɔdɔ pɛɛnɔn a o ji, -e 'o min 'si -si tɪglɪ da. ¹⁵'Pian -cee vɛ bɛ -kaa 'wɪ tɪglɪ vɪ, ɛn -kaa cin yɪ 'yi, -e -kaa trɔla Crizi man. -Yɛɛ cɪ -leglizi -wulo -a. ¹⁶-Leglizi bɛ, Crizi 'bɔ po nɛn. ɛn -a man mɛn -tɔdɔ bɛ, klɔda 'bɛ -maan 'o ya 'o 'fɔdɪ 'e cin man. ɛn miɛnmiɛnnun 'bɛ -maan 'nyian 'o cin 'kuan 'pleble. Zɪ man mɛn -tɔ 'e -kɔla 'wo bɛ, -a da nɛn e 'nyranman 'paa ɛn -leglizi nɛn Crizi 'bɔ po -a bɛ e -tɔa 'kli, te e truman, te yɪdɪ 'yi 'a -ji. Trɔdɪ zɪɛ, Crizi -va nɛn e 'sia.

'Ka 'pɛ 'e 'si 'cee 'ta wɔ -pɛ ceje -sru!

¹⁷Minsan nɛn an drɛ -yee vɛ -a bɛ, -a 'tɔ da nɛn an 'wɪ 'paala 'cɛɛ 'nan: Te 'cee 'ta wɔ -pɛ 'e 'kɔn 'nyian 'le minnun nɛn wa'a Bali tɔa dɪɛ -wee vɛ -zɔ dɪ! 'O 'bɔ 'ci 'sɔ wɪnɔn -wɪdɪ -sru 'nɛn o 'ta wo, te e ya 'wɪ 'tun 'a. ¹⁸'O 'trɔɛn 'a 'yuyɪ, ɛn o 'ka 'va 'nan 'o Bali -tɔa 'dɪ. -Yee 'wɛan 'belidɪ nɛn Bali a -nɔn bɛ, e ya o man -kɔɔbli, ɛn o ya klun va. ¹⁹'Wɪ 'tɔ 'ka 'nyian o tea 'yra -a dɪ. 'O 'fli -nɔn 'wɪ 'wɪdɪ 'drɛdɪ lɛ, ɛn 'wɪ 'wɪdɪ 'tɔ 'tɔdɔ pɛɛnɔn bɛ, wa'a 'kaan -a drɛdɪ -a dɪ.

²⁰'Pian 'cee vɛ bɛ, 'wɪ nɛn waa paa 'ka 'ji Crizi da bɛ, 'wɪ 'wɪdɪnɔn zɪɛ -a -tɔwli 'ka 'va 'dɪ. ²¹Maan -tɔa 'nan 'wɪ 'kpa, ka Crizi -le 'wɪ 'man, ɛn o -yee 'wɪ paa 'ka 'ji. 'Wɪ nɛn waa paa 'ka 'ji zɪɛ Zozi 'le 'wɪ tɪglɪ nɛn. ²²Waa paa 'ka 'ji 'nan, 'ka 'pɛ 'e 'si 'ka drɛ wɪ cejenun -sru. -Yee 'wɛan 'ka drɛla 'da! Kɔɔ te ka'a tian Zozi 'tɔlɛ dɪɛ, ka 'wɪ 'wɪdɪnɔn drɛ 'kaga te -a 'le 'srannan 'nɛn -kadɪ -a. ²³'Bɛ nɛn 'gɔvɛ, e ya 'le Bali lei 'saun 'e 'cee cɪ 'nrɔndɪ pɛɛnɔn lila 'e 'trɛ 'fo. ²⁴ɛn 'nyian bɛ, 'cee 'ta wɔ -pɛ 'e 'kɔn 'le min -trɛ -le 'wɪ 'zɔ. Min zɪɛ Bali 'bɛ dra -e 'e Bali 'sia 'e 'pa 'ji. -A drɛ wɪ -kɔan 'e 'sɔdɪ 'ji, ɛn e -kɔan Bali -le vɛ -a 'fo. ɛn e 'ta wo Bali -le 'wɪ tɪglɪ da.

²⁵-Yee 'wɛan 'ka 'si 'wɪ 'sɛndɪ man, ɛn 'wɪ tɪglɪ nɛn 'ka vɪ 'ka cin lɛ! Kɔɔ -kaa pɛɛnɔn -kaa drɛ 'kɔlɛ -tɔwli 'man mɛnnun -a. ²⁶ɛn 'nyian bɛ,

«-Te 'bli 'fɔ 'ka 'ji bɛ,
te 'ka 'wɪ 'wɪdɪ 'drɛ dɪ!»

Te yɪdɛ 'e 'fɔ 'va 'cee 'bli 'fɔdɪ 'ji 'man dɪ! ²⁷'Tɔɔɔ -si 'e 'lɛ 'sɔ Satan lɛ, -e 'e 'ka man yɪ. ²⁸ɛn 'nyian bɛ, min nɛn e crin wo bɛ, 'e 'si -a drɛdɪ man! 'Pian 'e 'nyranman 'pa, -e 'e 'nɛn 'fɛ -blɪ, te e 'yale -tɛnɔn 'le -nɔan 'nyian!

²⁹En "nyian be, te wei -wliɗi "tuwli 'e bɔla 'ka 'le "fo "ɗi! 'Pian 'wɪ nɛn e min peenun "le 'wɪ "paa "va "bɛ -a 'bɔ nɛn 'ka vɪ! En 'wɪ nɛn e "yi dra minnun lɛ bɛ, -a 'bɔ nɛn 'ka vɪ! ³⁰Te 'ka Bali lei 'saun 'ta drɛ -trɔɗrɔ ɗi! -A 'bɔ 'a nɛn Bali 'ka -kɔnnɛn 'pla -e 'e -kɔɔn 'nan ka -kɔan 'yee vɛ -a tu nɛn e 'ka "sia 'wɪ 'ji bɛ, -a man.

³¹-Yee "wean min man wɪ 'padɪ, 'lee 'bli 'fɔɗɪ min ji, 'lee nyran siadi, 'lee 'wɪ 'blɪɗɪ, 'lee min sɛɛ wɔɗɪ, 'lee 'wɪ 'wliɗɪ 'tɔ 'tɔɗɔ pɛɛnɔn bɛ, te -a -tuwli 'e 'kɔn 'ka yei "fo "ɗi! ³²'Pian 'ka 'kɔn 'kpa 'ka cin lɛ, 'ka cin dra nɛn 'e 'ka 'tɛ, ɛn 'ka cin man wɪ 'cɛ "lɛ zɪ Bali 'ka 'man wɪ 'cɛ Crizi -lɛ "wean "bɛ -yee 'wɪ 'zɔ.

5 ¹'Wɪ nɛn Bali -a drɛ bɛ, -a 'bɔ nɛn 'ka drɛ! Ka drɛ -yee 'nɛnnun nɛn e o ye "yi "bɛ waa. ²-Yee "wean 'ka cin yɪ "yi "lɛ zɪ Crizi -kaa 'yɪ "yi "bɛ -yee 'wɪ 'zɔ! E -kaa 'yɪ "yi "lɛ "wean, e wu "man ɛn e -ka -kaa 'lɛji. E drɛ "lɛ 'nan 'sraga nɛn yaa 'bɔ Bali lɛ ɛn -a -koei 'nɔnnɔn Bali ci 'sɔ.

'Cee 'ta wɔ -pɛ 'e -kɔɔn 'nan ka drɛ 'tɛ 'san -lɛ vɛ -a!

³'Ka drɛ wɪ 'e -kɔɔn 'nan ka drɛ Bali -lɛ minnun -a! Nyinnandi lɪ 'lee -kɔnnɛn -a te wa'a 'o cin 'palɛ ɗɛ, te 'e 'kɔn 'ka yei "ɗi! En 'wɪ pɛɛnɔn nɛn e min "tri -tɔa Bali 'lɛ, 'lee min yie nɛn ya'a 'ciɪla fɛ da ɗɛ, te -a -tuwli 'e 'kɔn 'ka yei "ɗi! ⁴'Wliɗɪ min man -wliɗɪ, 'lee -blɔ wei -fɔɗɪ, 'lee -sɛɛ "wliɗɪ "wɔɗɪ bɛ, te -a -tuwli 'e 'kɔn "nyian 'ka yei "ɗi! 'Pian 'wɪ nɛn e cɪ "lɛ 'ka drɛ bɛ, -nyren Bali muo "fɔɗɪ -a. ⁵-A -cin 'e 'kɔn 'ka 'ji 'nan, minnun nɛn o nyianla lɪ 'lee -kɔnnɛn -a te wa'a 'o cin 'palɛ ɗɛ, 'lee minnun nɛn o 'wɪ nɛn e min "tri -tɔa Bali 'lɛ bɛ waa dra bɛ, 'lee minnun nɛn 'o yie 'ka 'ciɪla fɛ da ɗɛ, o -nyrannan 'ka Crizi 'lee Bali -lɛ mingɔnnɛn 'trɛda ɗɪ. Kɔɔ 'wɪnɔn zɪɛ -a drɛɗɪ bɛ, e ya "lɛ fɛ nɛn e 'ka Bali -a ɗɛ, -a 'bɔ nɛn min -a 'su.

⁶Te 'ka 'wɪ "man -e min 'e 'ka see "paa -e 'ka 'wɪ 'wliɗɪ zɪɛ -a -tɔ drɛ ɗi! Kɔɔ minnun nɛn o 'ka "vale 'o 'ta wɔla Bali wei da ɗɪ, ɛn o 'wɪnɔn zɪɛ -a dra bɛ, Bali -lɛ nyran -blɪɗɪ a o man -pennan. ⁷-Yee "wean te 'ka -fɔ o -sru "fo "ɗi!

⁸'E tɛde bɛ, ka 'bɔ te "ka "ya wo "nyian klun va. 'Pian 'bɛ nɛn 'gɔvɛ ka ya 'tɛ 'san da, ka drɛ Minsan -lɛ vɛ -a -lɛ "wean. -Yee "wean 'cee 'ta wɔ -pɛ 'e -kɔɔn 'nan ka drɛ 'tɛ 'san -lɛ vɛ -a! ⁹Min nɛn e ya 'tɛ 'san da bɛ, -a san 'wɪ "yi 'tɔ 'tɔɗɔ pɛɛnɔn dra, ɛn -a san drɛ wɪ -kɔan 'e 'sɔɗɪ "ji, ɛn -a san 'wɪ dra min va 'e 'ci -a -tuwli. ¹⁰-Yee "wean 'wɪ nɛn e cɪ Minsan ci 'sɔ 'a bɛ, 'ka man -wɛɛ -e 'ka fa 'si sidɔ! ¹¹'Wɪ nɛn klun va wɪnɔn -a ɛn ya'a 'wɪ "yi dra min lɛ ɗɛ, te 'ka drɛ ɗi! 'Pian 'ka ta bɔla! ¹²Kɔɔ 'wɪnɔn nɛn min -mienun -a dra 'e yɔɔɗɪ bɛ, -a -nan wɪ vɪɗɪ min -tɛa 'yra -a. ¹³'Pian -tɛ Bali -lɛ 'tɛ 'san -a ta 'bɔla bɛ, min -a ye 'wein. ¹⁴En fɛ pɛɛnɔn nɛn e -ta 'tɛ 'san da bɛ, -a 'bɔ "nyian "e "drɛ wo 'tɛ 'san -a. -Yee "wean waa 'vɪ 'nan:

«Yi -tɛzan 'i 'fuɔ!

'I 'wluan -kanɔn 'va,

-e Crizi -le 'te 'san
'e 'i 'man dre 'wein.»

¹⁵Wt pænon zɛ -yee "wean be, 'ka yie 'tɔ 'ka 'fli -va! En 'cee 'ta wɔ -pe 'e -kɔn 'nan, ka Bali -le 'wɔ -tɔa! Te 'ka 'wɔ dre "le minnun nen wa'a 'o 'ci "nrɔnman Bali -le 'wɔ da dɛ -wee 'wɔ 'zɔ dɔ! ¹⁶Tɔ nen Bali -a -nɔn 'cɛɛ be, 'wɔ 'yinun nen 'ka dre -ji! Kɔɔ tɔ nen -kaa cɪ -ji 'gɔe 'wɔ 'wɔlɔdɪ "drɛdɪ 'fa 'da. ¹⁷-Yee "wean te 'ka 'wɔ dre "le -blunɔn 'zɔ dɪ, 'pian zɪ Minsan cɪ "vale 'nan 'ka 'wɔ dre be, 'ka man -wɛɛ -e 'ka -tɔ!

¹⁸Te 'ka 'wɛn 'mlin 'e 'ciɔla "da dɔ! Kɔɔ 'wɔ 'nɔnɔn drɛdɪ nen yaa "paa min lɔ. 'Pian 'cee vɛ be, Bali lei 'saun nen 'e 'ka 'pla "fo. ¹⁹'Ka cin "koe "tɔ Bali -le 'fluba 'ji "drenun -fɔdɪ -a, 'lee Bali 'tɔ bɔ "drenun -fɔdɪ -a, 'lee "drenun nen Bali lei 'saun -a -cin -tɔa 'ka 'ji be -a -fɔdɪ -a. "Drenun zɛ -a 'bɔ 'a nen 'ka Minsan 'tɔ bɔ 'ka 'bli pænon 'a. ²⁰-Kaa "tɪ Bali be, 'ka muo 'fɔ tɔ pænon man, en 'ka muo 'fɔ 'wɔ pænon 'ji, -kaa san Zozi Crizi 'tɔ 'ji.

Zozinɔn, 'ka 'wɔ dre 'ka cin va "yi!

Lumɔn 'lee 'e 'sran -le 'wɔ

²¹'Ka cin wei man "yi! Zɪ ka "klandɪ Crizi -lɔ -ci -kɔn zɛ!

²²'Ka lumɔnnun be, 'ka 'ta wɔla 'ka 'sran wei da! -A -ci -kɔndɪ nen 'nan, ka 'ta wɔla Minsan wei da. ²³Kɔɔ -klɔnmɔn 'be 'e nan "paala, "le zɪ Crizi -leglizi "paala be -yee 'wɔ 'zɔ. -Leglizi 'be cɪ "le Crizi 'bɔ po -le 'wɔ 'zɔ, en minnun nen -ji be, Crizi 'be o "sia 'wɔ 'ji. ²⁴-Leglizi 'nɔn 'ta wɔla Crizi wei da, -a -tɔwli "nen lumɔnnun 'o dre "nyian o -sran le 'wɔ pænon 'ji.

-Klɔnmɔn 'lee 'e nan -le 'wɔ

²⁵'Ka -klɔnmɔnnun be, 'ka nannun yɪ "yi, "le zɪ Crizi -leglizi ye "yi "be -yee 'wɔ 'zɔ! Crizi wɔ "man en e -ka -leglizi 'nɔn 'leji, ²⁶'nan -e -leglizi 'nɔn 'o dre Bali -le vɛ -a "fo. -A -batize drɛdɪ 'yi 'a, 'lee Bali wei vidɪ -a nen Crizi -leglizi dre 'saun Bali 'le. ²⁷Yaa dre zɛ 'nan, -e -leglizi 'e dre 'e 'bɔ 'le vɛ -a, te e "bia fenyian, te "tri 'ka "man "dɪ, te -a man 'ka 'e yrudɪ dɪ, en te 'wɔ 'wɔlɔdɪ 'ka "man "fo "dɪ. 'Pian -e -leglizi 'e 'kɔn 'saun Bali 'le, te 'tɔ 'tɔ 'ka "man "dɪ.

²⁸Yɪdɪ "yi zɛ -a 'bɔ 'a nen -klɔnmɔnnun 'o nan yɪ "yi! Min nen 'e nan ye "yi "be, te 'e 'fli ye "yi. ²⁹Kɔɔ min -tɔ 'ka 'naan 'e 'bɔ 'fli man dɪ, 'e 'fli cɪ fɛ -wɛɛman, en 'e yie -tɔa 'e 'fli -va. Zɪ Crizi -a dra -leglizi le zɛ. ³⁰-Leglizi 'bɔ 'be cɪ Crizi po -a, en -cɛɛ cɪ -a man mɛnnun -a. ³¹Wɔ nen 'e 'cɛn -tɛdɪ Bali -le 'fluba 'ji be, 'ka 'ci "nrɔn "da. E ya 'e 'cɛn -tɛdɪ 'nan:

«-Klɔnmɔn "sia 'e "tɪ 'lee 'e "bɔ "man

-e 'e pei 'fɔ 'e nan va,

-e 'o dre min -tɔwli "a.»

³²Wɔ -dan tɔ a 'e yɔɔdɪ 'wɔ zɛ -a -sru. "An -ci vɛ 'cɛɛ 'nan, zɪ Crizi 'lee 'yee -leglizi 'nɔn cɪ zɛ. ³³'Pian 'wɔ 'tɔwli zɛ e ya "nyian 'ka 'bɔ 'le vɛ -a. 'Ka

-klɔnmɔnnun bɛ, 'ka nan yɪ 'yi 'le zɪ 'ka 'fli ye 'yi 'bɛ -yee 'wɪ 'zʊ! ɛn 'ka lɔmɔnnun bɛ, 'ka 'sran 'sia min -a!

'Nɛn 'lee 'e 'tɪ 'le 'wɪ

6 ¹'Ka nannannun bɛ, [Minsan -le 'wɛan bɛ,] 'ka 'ta wɪla 'ka 'tɪ 'lee 'ka 'bu 'wei da! -Yɛɛ cɪ 'wɪ 'yi 'a. ²Kɔɔ Bali 'e 'nan: «I yie 'e 'nan 'i 'tɪ 'lee 'i 'bu 'man!» -Yɛɛ cɪ -pei -tɔ wɪ tɛdɛ nɛn Bali 'wɪ 'tʊ 'pla -a -sru 'bɛ -a. ³'Wɪ zɪɛ -nyren 'nan: «I 'ci 'nran ye, ɛn i 'mɔan 'trɛda.»

⁴'Ka 'nɛn 'tɪnɪn bɛ, 'wɪ nɛn e 'nɛn 'ci -tɔa lou 'e 'tɪ 'lee 'e 'bu 'man bɛ, te 'ka drɛ -wɛlɛ 'dɪ! 'Pian 'ka o 'lebu 'wɪ 'paadt -a o ji 'lee 'wɪ pladt -a -wɛlɛ. 'Ka drɛ 'wɪ nɛn e 'sia Minsan va bɛ -a yra man.

Nɔan 'lee 'e 'tazan -le 'wɪ

⁵'Ka nɔannun bɛ, 'ka 'ta wɪla 'ka 'tanɔn wei da! 'Ka 'klan Bali lɔ ɛn 'ka drɛ 'ka 'ci 'fɪdaa 'a! ɛn 'ka 'ci 'nrɔn 'nan, ka ya -a drenan Crizi le! ⁶Te 'ka drɛ o yie 'le 'saza 'nan -e 'o 'ka yɪ 'yi 'dɪ! 'Pian 'ka -kɔɔn 'nan Crizi 'sunɔn nɛn 'kaa! ɛn 'wɪ nɛn e cɪ Bali ci 'sɔ 'a bɛ -a 'bɔ nɛn 'ka drɛ 'ka 'bli pɛɛnɔn 'a! ⁷'Ka 'ta 'e 'kɔn 'fava 'nyranman 'panan -wɛlɛ. ɛn 'ka 'ci 'nrɔn 'nan, Crizi le nɛn ka cɪ 'nyranman zɪɛ -a 'panan, 'nan blamin le 'cɛɛ dɪ! ⁸-A -cin 'e 'kɔn 'ka 'ji 'nan, -te min a nɔan -a oo, ɛn -te e 'ka nɔan -a dɪ oo, e ya 'wɪ 'tɪn 'a. 'Pian zɪ min -tʊ 'nyranman 'pa bɛ, -a da nɛn Minsan -a -ko 'paa.

⁹Kaa nɛn ka cɪ o tanɔn 'a bɛ, -a -tʊwli 'nɛn 'nyian 'cɛɛ vɛ -a. 'Ka 'cɛɛ nɔannun 'sia min -a! Te 'ka 'kɔn o man -wluwlu dɪ! -A -cin 'e 'kɔn 'ka 'ji 'nan, 'ka 'san a waa -tʊwli, e ya laji. Ya'a min bo 'va 'vaa -e 'e va wɪ drɛ dɪ.

'Ka 'man 'e 'kɔn 'e wɔɔdɪ tʊ -wɪdɪ 'le 'wɛan!

¹⁰Maan 'le -sɛanla 'cɛɛ 'nan, 'ka 'tɔ -kli! 'Cɛɛ drɛdɪ min -tʊwli 'a 'ka 'vale Minsan -a 'bɛ dra, te -yee 'pleblɛ nɛn e ya fɛ pɛɛnɔn 'ta lou 'bɛ, e 'ka -tɔa -kli. ¹¹Bali -le -kuli -tan fɛnɪn nɛn yaa -nɔn 'cɛɛ bɛ, 'ka 'man wɔɔ -a, -e 'ka 'kɔla 'tɔdɪ -a Satan -le see 'paa wɪnɪn 'le. ¹²Kɔɔ -kuli nɛn -kaa 'le bɛ, blamin man 'cɛɛ -kaa -taan 'dɪ, 'pian -kaa -taan lei -wɪdɪnɪn pɛɛnɔn nɛn laji bɛ, o man. 'Pleblɛ a -wɛlɔ, ɛn o min 'paala, ɛn o 'nyranman 'paa klun va. ¹³-Yee 'wɛan Bali -le -kuli -tan fɛnɪn nɛn yaa -nɔn 'cɛɛ bɛ, 'ka 'sia! -Te kaa dreɛla 'da 'bɛ, tʊ nɛn yi -wɪdɪ bɔa 'ka man bɛ, ka -kɔlaman -tɔdɪ -a -kli -e 'ka bɔla 'ji 'kloun 'gloun.

¹⁴'Ka 'man 'e 'kɔn 'e wɔɔdɪ! 'Ka 'ta wɪla 'wɪ tɪglɪ da! -Yɛɛ cɪ 'le 'ka -tɪɛn 'kɔlɛ 'le 'wɪ 'zʊ. 'Wɪ nɛn 'e 'sʊdɪ 'ji 'bɛ 'ka drɛ! -Yɛɛ cɪ 'le 'ka 'kɔlɛ 'nɛn yɔɔvɛ -le 'wɪ 'zʊ -kuli -lɔ. ¹⁵-Fʊdɪ -trɔɔ nɛn Bali -a -nɔn 'cɛɛ Zozi Crizi -le 'wɪ 'nɔnɔn 'a bɛ, 'ka 'tɔ 'da 'pleblɛ! -Yɛɛ cɪ 'le 'ka 'cɛɪn -man -manwua 'le 'wɪ 'zʊ. ¹⁶ɛn 'nyian bɛ, 'ka yi -tera Zozi da 'fo! -Yɛɛ cɪ 'le 'ka 'man yɔɔvɛ -le 'wɪ 'zʊ Satan -le -tin 'wɛnɪn nɛn 'te nɛn a 'nɛn 'bɛ -wɛlɔ. ¹⁷Bali 'ka 'si 'wɪ 'ji, 'ka 'tɔ 'da 'pleblɛ! -Yɛɛ cɪ 'le 'ka 'wulo -man yɔɔ 'kpɔngbo kle 'le 'wɪ

'zv -kuli -lɔ. En -kuli -tan sen nen Bali lei 'saun -a -nɔn 'cɛɛ bɛ, 'ka 'kun 'man! -Yɛɛ cɪ Bali wei -a.

¹⁸Wɪ pɛɛnɔn zɪɛ -a dɾɛdɪ -ji bɛ, Bali nɛn 'ka tru 'ba, ɛn 'ka laabu -yɾɔ 'nan, 'e 'pa 'ka 'va. Tɔ pɛɛnɔn man 'ka Bali tru 'ba 'le zɪ -yee lei 'saun -a -cin -tɔa 'ka 'ji bɛ -yee 'wɪ 'zv. 'Ka yɪɛ -trɔa 'wɪ zɪɛ -a dɾɛdɪ da, te 'ka 'pɛ 'e plu dɪ! 'Ka Bali tru 'ba Bali -le minnun pɛɛnɔn le!

¹⁹En "nyian bɛ, 'ka Bali tru 'ba 'mɛn 'nan, 'wɪ nɛn 'kɔ 'an vɪ bɛ 'e -cin -tɔ 'an 'ji. En 'nan -si 'e 'lɛ 'sɔ 'mɛn, -e 'an Zozi 'le 'wɪ 'nɔnnɔn nɛn -a -ci a 'e yɔɔdɪ minnun man bɛ, -a -ci vɪ -wɛ. ²⁰Bɛ 'bɔ nɛn an ya -pɔ 'kuin 'gɔ oo, Zozi 'le 'wɪ 'nɔnnɔn 'pɛ 'ba a 'an 'lɔ -e 'an vɪ minnun lɛ. -Yee "wean 'ka Bali tru 'ba 'mɛn 'nan, -si 'e 'lɛ 'sɔ -e 'an vɪ, "le zɪ e cɪ 'mɛn 'nyranman -a bɛ -yee 'wɪ 'zv.

²¹-Kaa "bɔ Zozizan Tisik nɛn -kaa ye "yi "bɛ, -a yɪɛ yɾa Minsan -le 'nyranman 'padɪ da. -A 'bɔ 'bɛ "ta "lo 'wɪ nɛn 'an man 'gɔɛ -a 'sinan 'palɛ 'cɛɛ. ²²-Yee "wean maan 'pa 'sia 'ka 'va 'nan, -e 'wɪ nɛn 'kɔ man bɛ 'ka -tɔ. En an ya "va 'nan 'e 'ka "koe "tɔ 'ka da.

²³-Kaa "tɪ Bali 'lee Minsan Zozi Crizi 'o 'wee -fɔdɪ -trɔɔ, 'lee 'wee yɪdɪ "yi, 'lee yi -tɛradɪ Zozi Crizi da -nɔn 'kɔ "bɔ Zozinɔn pɛɛnɔn lɛ. ²⁴Bali -le "yi 'e 'kɔn minnun pɛɛnɔn nɛn o -kaa san Zozi Crizi ye "yi -a 'leda "ka "dɪɛ o va.